

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Promptuarium allegoriarum sacrarum praincipia fidei
christianae capita illustrantium: indice quadruplici
instructum post editiones 5 revisum, iam septimo
recusum**

Botsack, Johann

Francofurti ad Moenum, 1678

Articvlvs VI.

[urn:nbn:de:bsz:31-142795](#)

h.e. meritis propriis confusa virtutum , vel de cubilibus
leoninis, h.e. pessimo statu peccati.

ARTICULUS VI.

DE OBJECTIS ET ADJUNCTIS

Ecclesiæ variis.

ECCLESIAE MYSTERIA , V. ET
N. Testamenti concredita.

1529. Cant.7.v.13. *Dicitur fructus pretiosos, veteres & recentes reponere secundū ostia sua sponsa, sponso suo.*

1. Hi fructus sunt ministeria Vt, & N. Testamenti, Matth.13.v.52. quæ ante ostium cordis nostri reponimus, quando ea consideramus , & dulci illorum contemplatione animum nostrum pascimus.

2. Hos fructus reponit sponso suo, verâ scilicet fide eosdem apprehendendo.

VERBUM DEI BONA ECCLESIAE.

1530. *Mel, similam & oleum dedit Hierusalem Dominus*, Ezech.16.v.13. *Mel verbum notat, ob dulcedinem eximiam, Ps.19.v.11. Ps.119.v.103. quam in se continet, licet ventrem amaricari faciat, Apoc.10.v.9.* Ob mundi odia scilicet, Joh.6.v.2. Manna gustus erat sicut similæ cum melle, Exod.16.v.31. Manna illud verbum Domini est. Hoc mel verbi fluit de spirituali petra Christo, 1.Cor.10.v.4 quo nos in deserto mundi, ut olim Israelitas, Ps.81.v.17. saturat, donec tandem in veram terram promissionis veniamus , fluente melle consolationis, Apoc.22. Esa.66.v.11. De simila & oleo suis locis. Cavendum autem nobis est, ne hoc mel verbi proculcemos ingratitudine , ut saturæ animæ

mae solent, Prov.27. v.7. cum tamen illis saturis Væ
imprecatus sit Dominus, Luc.6.v.25. Confer. Apoc.3.
vers.17.

ECCLESIAE ALÆ.

1531. Apoc.12. v.6. *Data alæ mulieri significabant*
1. *Spei certitudinem, Es.40.v.31.*

2. *Divinam protectionem, quæ aliâs alis notatur,*
Psalms.91. v.1. 2.3.

3. *Passivam Tyrannorum ludificationem: Luditur*
auceps, cum avolat avis: ita Tyranni, cum Ecclesia
protectitur.

4. *Gratissimam liberationem, Psal.124. v.7.*

ECCLESIA IMMOBILIS EST.

1532. Zach.12. v.3. *Ponam Jerusalem lapidem oneris*
cunctis populis; omnes qui levabunt eum, concusione la-
cerabuntur: Ecclesiæ securitas promittitur: Erit enim
lapidis instar onerosissimi, propter lapidem in ea an-
gularem Christum, Eph.2. v.20. in quem, qui cecide-
rit, comminuetur, Luc.20. v.18. At in Ecclesiam ca-
dens, in ipsum Christum cadit, Zach.2. v.8. Act.9.
v.4. Esa.63. v.9. Matth.25. v.40. Nihil ergo portæ in-
ferorum adversus eam, Matth.16. v.18, super petram
fundatam, Matth.7. v.25.

ECCLESIA INVISIBILIS.

1533. *Fidei & electionis respectu: luna in conjunc-*
tione non videtur. Fidei enim & electionem in ho-
mîne nemo oculis usurpaverit: & hoc sensu ecclesiam
dicimus invisibilem.

2. *Persecutionis per hæreticos, ut luna cum nubi-*
bus tegitur. Tunc enim multi latent, timentes flam-
mas & necem; talis Nicodemus, Joh.3. v.1.

3. Mar.

3. *Martyrii*, cum ferro & flammis fævitur. Ut cum luna ecclipsin patitur.

ECCLESIA TRIBULATA VERA

membra demonstrat.

1534. Apoc. 6. v. 13. *Ficus emittit grossos, cum vento moveretur.* *Ficus Ecclesiam notare potest, quæ sua membra, ut, ficus grossos habet, at cum vento persecutionis queritur, grossos abjicit, hoc est, hypocritas ostendit.* Hi sunt, qui tempore tribulationis deficiunt, Luc. 8. vers. 14. qui tanquam paleæ disperguntur, cum cibrantur, Matth. 3. v. 12. Cibrator ille, Satanus est, Luc. 22. vers. 31.

ECCLESIA PRESSA

crescit,

1535. *Haman è medio sublatus omne genus Iudeorum, effecit, ut quamplurimi se ad Ecclesiam Judaicæ gregem associaverint,* Esther. 8. v. 17. ita tyranni malis consiliis Ecclesiam non possunt tollere, sed attollere, premere, non opprimere.

ECCLESIAE MULTIPLI-

catio.

1536. *Jacobi posteritas in Aegypto velut germen multiplicata est,* Exod. 1. v. 7. Hæc est ecclesia Novi Testamenti in Aegypto mundi spiritualis multiplicatio, quæ non ex sanguinibus, sed ex Deo procreatur; Joh. 1. vers. 13. Talis per fidei unitatem Abrahamo promissa, Gen. 16. v. 16. cap. 17. v. 2. cap. 22. v. 17. multiplicatio. Conf. Gal. 3. v. 9.

ECCLESIA ARMIS SPIRITUALIBUS

freta Diabolo terribilis.

1537. *Terribilis ut castrorum acies ordinata,* Cant. 6. vers. 3. & 9. Hæc est ecclesia, quæ cum adhuc in terra militi-

militiam exerceat, 1. Tim. i. v.18. armis spiritualibus,
 2. Cor. 10. v.4. Eph. 4. v.14. terribilis est Diabolo, ut
 castrorum acies ordinata, quia omnia arma in Satanæ
 perniciem aptat; quô cum perpetua est inimicitia,
 Genes. 3. v.16. Huc pertinent arma illa offensiva, de-
 fensiva, Eph. 6. terribilia Dei opera in ecclesia, Deut.
 4. v.34. quæ Diaboli contremiscentes credunt, Jac. 2.
 v.14. Deut. 10. v.11. Judicii extremi pericula, quæ Sa-
 tanæ ingruunt, piis ipsis futuris Judicibus, 1. Cor. 6.
 v.2. duce Christo, Matth. 25. Hebr. 10. v.16. Tob. 3.
 vers. 5.

ECCLESIA HABET TEMPORA

lunæ,

1538. Ps. 104. v.9. *Fecit lunam in statu tempora.*

1. Ecclesia vero est luna, quæ statis temporibus sub-
 jecta est: Modo enim planè est instar *luna silentis*,
 qualis tempore Eliæ erat, quo tamen spiritualis erat
 ad septem hominum millia conjunctio. Modo instar
luna deficientis & ad occasum vergere videtur, modo
 instar *crescentis*, & versus orientem Christum, Luc. i.
 v.78. cornua velut projicit.

2. *Hæc luna est in tempora:* quia in ecclesia solum
 certa temporum ratio est. *Hæc est luna illa*, quæ se
 coram Josepho nostro cœlesti incurvavit, Genes. 37.
 vers. 9. & stat donec hostes suos armis verbi Josua ex-
 pugnet, in valle hujus mundi, Jos. 10. vers. 12. quo fa-
 cto, cum sole justitiæ Christo planè conjungetur, in
 altera vita.

ECCLESIA PULCHRA.

1539. *Amica sponsi pulchra dicitur*, Cant. 1. v.8. Ec-
 clesia notatur, cuius genæ pulchræ dicuntur.


Yy

1. Ob

1. *Ob lachrymas*, quæ coram Domino preciosæ sunt,
eas in saccum suum colligente, Psal. 56. v. 9.

2. *Eam* quoque suâ ipsius pulchritudine pulchram
fecit, quando abstulit deformitatem naturalem, Ezech.
16. v. 9. seq. & sine macula fecit, Eph. 5. v. 27. Cant. 4. v. 7.
gloriosam, Col. 3. v. 4. Rom. 5. v. 2.

3. *Hæc est illa* pulchritudo, quâd ut Esther olim prin-
cipibus Ahasveri placuit, Esth. I. v. II. cap. 2. v. 15. sic
completivè angelis placebimus, imò ipsi regi, qui con-
cupiscent decorem nostrum, Psal. 45. v. 12. Ejus enim
delectatio est in filiis hominum, Prov. 8. v. 31. *Hæc est*
decor domus suæ h. e. ecclesiæ, quem diligere debe-
mus, Ps. 26. v. 8. nec facere abominabilem, Ezech. 16.
v. 22. repudiando.



CAPUT XXI.

DE

MINISTERIO.

ARTICULUS I.
DE MINISTERIO.MINISTRI CUR ANGELIS
comparentur?

1540. 1. *Ob nominis evidentiam.* Angelus nun-
cium notat. Ministri sunt Dei nuncii, Luc. 9. v. 60.
Act. 4. v. 2. 1. Cor. 9. v. 14. Ezech. 3. v. 17. c. 33. vers. 7. in
luce ambulandum esse nunciant, Johan. 1. vers. 5. 6.
2. Cor. 5. vers. 20.

2. Res